

皕宋樓藏書志

皕宋樓藏書志卷十八

存齋雜纂之六

歸安陸心源剛甫編

史部

正史類一

史記殘本九十九卷

宋淳熙耿秉刊

黃蕡園舊藏

漢司馬遷撰宋裴駟集解唐司馬貞索隱

存本紀卷八至卷十二表卷一至卷三卷六至
卷十書卷一至卷四卷六至卷八世家卷八至
卷三十列傳卷一至卷五十六

淳熙丙申郡守張介仲刊太史公書于郡齋凡

褚少孫所續悉削去尊正史也學者謂非全書懷不滿意且病其訛舛越二年趙山甫守郡取所削別刊爲一帙示不敢專而觀者復以卷第不相入覽究非便置而弗印殆成棄物信乎流俗染人之深奪而正之如是其難然星之於月其不侔亦昭昭矣屏之使不得並孰若附之其旁則小大較然不其愈尊乎別以所續從其卷第而附入之兩存其板俾學者自擇焉其訛謬重脫因爲是正凡一千九百九字以辛丑仲秋望日畢工澄江耿秉直之謹書

右太史公史記采錄先秦古書及秦漢間事其文雅奧簡古至有難句者讀之當紬繹再四玩味深思方見其義趣不然則直以爲淡薄無味如魏文侯之聽古樂意欲坐睡耳是以讀之者殊鮮解詁訓釋世有其人第皆疎略未能詳盡惟唐小司馬氏用新意撰索隱所得爲多至有不可解者引援開釋明白每恨其書單於披閱殊未便比得蜀本併與其本書集而刊之良愜意意欲重模與南方學者共未暇也謁來桐川年踰都事頗暇一日與友人沈伯永語及前

代史則以爲先秦古書以來未有若太史公之奇傑班孟堅已不逮而況其餘乎因搜苟中書蜀所刊小字者偶隨來遂命中字書刊之用工凡七十輩越肇始四月望迄六月終告成伯承請予序予謂太史公書安敢序當書歲月識目錄後可也然其間有刪削是正者不可不書舊注謂十篇有錄無書後褚少孫追補之其文猥妄不經蕪穢至不可讀每翻閱至此輒敗人意不知何人遽續而傳之凡少孫所言者今皆刪缺之然其間亦有可喜一日者傳則大類莊周

書意其 本書之殘缺者少孫因以附益之則
以注字別之或可見其遺意又如伯夷子思子
張蒼倉公魏其貨殖自序之類蓋其一篇之文
接連回復不可斷絕安可段節起題以碎亂其
文今皆速書以歸其元或謂太史公取尙書語
輒更定以爲非是予謂不然書雖經孔子所定
然其文皆史官所記故唐虞三代之書語皆不
類則非一二人之作可知矣一代之事必有一
代之史安可必其同哉太史公邇往之氣度越
前古意欲自成一家之言故所言所載訓釋其

義而定以一言若悉如書之語則曰不類故特
裁正而不解蓋更易舊史官之書非遽變孔氏
之書也尙何議予平時讀史記所見如是故併
書之淳熙丙申立秋日廣漢張杓謹書

按此淳熙刊本每頁二十四行每行二十五字

版心有字數及刻工姓名殷慎貞恒皆缺避張
序已缺黃蕡圈手抄補耿秉字直之江陰人仕
至煥章閣待制律己清儉兩爲浙漕所至以利
民爲事著有春秋傳二十卷五代會史二十卷

史記殘本九十二卷

元巾統刊本

漢司馬遷撰宋裴徽集解唐司馬貞索隱

存卷六至卷三十六卷四十九至卷六十卷七
十四至卷七十八卷八十七至卷一百三十

按此凡中統二年刊本卽宋理宗景定二年也
每頁二十八行每行二十二字小字雙行每頁
格欄外標題篇名明游明本卽從此本出前有
中統二年校理董浦序此本已缺

史記索隱三十卷

舊抄本

五硯樓舊藏

唐司馬貞撰

裴駟集解序

史記一百三十卷

明王延詒刊本

漢司馬遷撰宋中郎外兵曹參軍裴駟集解唐
朝散大夫國子博士宏文館學士河內司馬貞
索隱諸王侍讀宣義郎守右清道率府長史張
守節正義

索隱序

補史記序

正義序

集解序

索隱後序

王延詰跋 嘉靖丁酉

案日後有震澤王氏刻梓木記集解序後有震澤王氏刻于恩褒四世之堂木記

史記一百三十卷

明柯維熊校刊本

漢太史令龍門司馬遷撰唐朝散大夫國子博士弘文館學士河內司馬貞索隱諸王侍讀宣教郎守右清道率府長史張守節正義

正義序

索隱序

補史記序

集解序

索隱後序

費懋中序

嘉靖四年

柯維熊跋

嘉靖六年

按目後有明嘉靖四年乙酉金臺汪諒刊行兩

行每卷標題下有莆田柯維熊校正七字

漢書

一百二十卷

宋刊元修本

張月胄舊藏

漢書

班固撰

周祕書監上護軍琅邪縣開國子顏

師古注

案此南宋監版而元修者版心有大德至大延

祐元統補刊字樣每葉二十行每行十九字注
二十五字至二十八字不等版心有字數及刻
工名姓大題在下

漢書殘本八卷

宋蜀大字本 明袁忠徹舊藏

漢班固撰唐正議大夫行成書少監琅邪縣開
國子顏師古注

按此宋蜀大字本存卷六十四上六十四下六
十五十六上六十六下六十七六十九上六
十九中每葉十八行每行十六字注雙行每行
二十二二十二字不等版心有字數及刊工姓

名匡殷貞敬境桓竟完源狃穀讓構疇皆缺末
筆卷六十四下烏桓之壘烏字下注淵聖御名
蓋高宗時刊本也紙背皆元時公牘間有官印
卷中有尙寶少卿袁忠徹印朱文方印尙寶少
卿袁記朱文長印案忠徹字靜思鄼縣人父珙
卽所謂袁柳庄者也永樂中官至尙寶司少卿
著有鳳池吟藁符臺外集相書機要見李賢集
及明文衡九十四卷

湖北提舉茶鹽司新刊前漢書一百二十卷

宋淳熙
刊本

陳白陽舊藏

漢班固撰唐正義大夫行祕書少監瑯琊縣開

國子顏師古注

敘例

湖北庾司舊所刊西漢史今五六十年壬辰歲
前提舉官梅公嘗修治今又二十餘年矣鋟木
既久板缺字脫觀者病之余將命于茲職事暇
日因取其朽腐漫漶者凡百二十有七板命工
重刊或加修剔俾稍如舊以便覽閱然板刻歲
深勞於模墨則損壞日增此理必然隨時繕治
誠有待於來者因誌其後以告紹熙癸丑二月

望日厯陽張孝曾題

右孟堅所書二百二十年間列辟之達道名臣之大範賢能之志業黜黎之風美具焉柳柳州嘗評其文云商周之前其文簡而整魏晉已降則盪而靡得其中者漢氏抑至言虧湖北外臺嘗鏤諸板歲月寢深字畫漫漶且詰誤脫落背理害文學者病焉外府丞姑蘇梅公爲郡刺史自公之暇願謂呆輩讎而正之於是集諸校本參訂非是凡改竄者數百字泯滅則復書郡太守番易張公以治辦稱寔戶厥事迺庄工修鏤

爲成書時淳熙之二載季夏十日憲謨三山黃
果升卿宜興沈綸季言敘

朝奉大夫提舉荆湖北路常平茶鹽公事梅世
昌朝請大夫知常德軍府事提舉常德府澧辰
沅靖州兵馬盜賊公事張瑀從事郎荆湖北路
提點刑獄司檢法官黃果校正迪功郎荆湖北
路提點刑獄司幹辦公事沈綸校正

本司舊有西漢史歲久益漫因命工刊整計一
百七十版仍委常德法曹廳陵郭洵直是正訛
舛二千五百五十八字庶幾復爲全書云慶元

戊午中元括蒼梁季珌題

正德二年三月吉旦裝景瞻

孫氏手跋曰余見宋版漢史不下五六部未有若此之全妙者子孫其永保之正德二年三月丹陽孫道靜重裝兩套題係舊人筆不敢易也案每半頁十四行每行二十七字小字雙行每行三十五六字不等全書完善無缺紙色如玉墨色如新史部中第一精品卷中有飛雲閣朱文圓印卷首副葉有景瞻朱文方印敘例有陳道復印白文方印卷末副葉有陳淳私印白文

力印翠雨堂圖書白文方印君龍二字朱文連珠印

漢書音義三卷

舊抄本

隋蕭該撰

後漢書殘本六十卷

宋刊蜀大字本
明袁忠徹舊藏

晉范曇撰唐韋懷太子注

按存卷六至卷十卷十六至卷十八卷二十一至卷二十九卷三十三至卷三十六卷三十八至卷五十九卷六十一至卷六十四卷六十八至卷七十八卷八十二至卷八十五卷八十八

行欵避諱與前漢書同卷中有尙寶少卿袁忠

徹朱文方印尙寶少卿袁記朱文長印

後漢書一百二十卷

宋刊元修本

張月霄舊藏

宋范祖禹撰唐韋懷太子賢注

志三十卷

彪撰梁劉昭注補

景祐元年祕書丞余靖上言

案板心有注大德九年元統二年補刊者蓋宋
刊元修之本也每葉二十行每行十九字注二
十五字版心有字數及刻工姓名大題在下卷
末有右奉治化五年七月二十五日敕重校定

刊正一條後列承奉郎守將作監丞直史館賜
繡魚袋臣孫何承奉郎守祕書省著作佐郎直
集賢院賜繡魚袋臣趙安仁銜名兩行下缺每卷

後間有甯國路學正王師道校正十字

案藏書志所載缺五卷此本完全想是後來補
完耳

後漢書一百二十卷

明嘉靖刊本 何義門手校

范曇

撰志

司馬彪撰唐章懷太子賢注劉

昭補注

景祐二年祕書丞余靖上言

劉昭補注序

何氏手跋曰初讀此書嫌其訛謬爲多及觀劉氏刊誤諸條乃知在北宋卽罕善本緣前人重之不如班書故也嘉靖中南京國子監刻者注經刪削此猶完書故是一長其舊本不差此復滋謬之字略爲隨文改定云康熙辛巳中秋後題於保定行臺西序焯

按余靖上言後有嘉靖丁酉冬月廣東崇正書院重修木記

經進後漢書年表十卷

盧抱經手抄本

宋

右迪功郎前榷澧州司戶參軍熊方集補

自序曰臣聞昔司馬遷班固之爲史皆謹於表年從春秋之法大一統以明所授蓋天子之事也至范曄作東漢史僅紀傳而表志未立蕭梁時劉昭補注舊志又不及表殆非聖人所以辨正朔存褒貶之意史家大法於此隳廢且東漢之治凡一百九十五年前繼西京之盛而代信史有不足於遷固稽之聖人垂戒大訓尚有遺闕甚非所以昭中興之偉績也臣今輒集補後漢年表十卷以足范劉之未備庶史冊之

文稍全而繼體統元之旨自明聖人之制不泯也凡表之義例一據睡昭舊文不敢復取他說以汨其傳至綱目條章稍倣前書其有闕疑則俟後之君子

臣方聞明父象彖之原乃可學易識風雅頌之旨始與言詩總之必有宗主之各有體臣方誠惶誠恐頓首頓首伏念臣迂疎蹇淺之未學奇窮艱苦之餘生荒松菊而出遊駐桑榆而筮仕攷麟經雖曰聖作亦本舊文觀遷史素號良才悉因前筆裘非一腋流必有源臣不揆荒蕪深

悼遺闕惜東京之再造痛信史之未成范曠之
製雖精俄乖素志劉昭之業未廣不及表年懼一
僞閭之不分嗟正朔之無統譬爲山而或虧一
竇微鍊石而欲補高天人異而志同世殊而事
合故東晉追爲華黍小雅始全暨冬官取於攷
工周禮乃備恭惟皇帝陛下學由天縱道本生
知智勇冠乎禹湯孝悌同於堯舜奮神武以撥
亂致太平而中興仰稽聖功同符光武開獻書
之路來上者汗馬牛廣祕府之藏所積者充棟
宇加以睿文深畧重道崇儒灑宸翰於九經永

光序煥雲章于八法冠絕鍾王此又永平之
日未間兩漢之君希有兼容寸善博採遺文故
茲褒憲一介之愚亦效涓塵萬分之助前賢後
聖既功德之同流古史今文貴述作之一體焉
能補袞第若續貂初或謂於祭魚終亦憂其覆
瓿求義例於班固不減前篇較興廢於西京豈
慚後作史冊既全綱目漢功益更昭明厯晉魏
隋唐非無大手何明章安順未列成書允逢我
宋之右文獲繼先儒而饒美豈因人力蓋本天
時臣謹集補後漢年表十卷隨表投進以聞臣

方誠惶誠恐頓首謹言

臣謹按班固前漢書爲表有八其七爲年表其一爲古今人表及攷其書自伏犧氏至司馬欣自聖人至愚人凡九等原班固之意自秦以上則爲古人自漢以下則爲今人篇目雖曰古今人表然但及於古而不及於今顏師古注云其書未畢攷班固史作始於父彪固因父之筆未及成而卒於八表及天文志及後漢和帝詔其女弟昭就東觀藏書闇踵而成之以是推之若固所著未畢則昭亦終之矣然未畢非也是師

古未知其說臣按唐劉子元作史有五不可曰
史局深籍禁門所以杜顏面防請謁今作者如
林儻示褒貶曾未絕口而朝野咸知孫盛取嫉
權門王劭見譽貴族常人之情不能無畏此三
不可也蓋班氏父子撰述之時前漢可書之人
子孫雲仍與朋舊輩類往往具存苟人人而第
之智愚一分得不羣起而讐之哉班氏所以不明
今人而次于表者懼此故也然併曰古今人
表而闕今人者其意以今人之表有俟後之人
爾至范曄爲後漢史又先書而殞使表志未立

至劉昭補注諸家之志表又闕之則欲成此書
當在今日臣遂集補年表十卷昨嘗投進未蒙
指揮然視班固八表雖年表僅備而古今人表
尚闕前書之表斷自於秦而漢初已來皆不與
焉則欲補范曄人表當以兩漢爲目上攷漢興
下至魏初凡四百年間諸子百家與夫眾史記
錄搜討尋究非歲月可就臣按古有石渠東觀
皆諸儒撰集之地而本朝亦命歐陽修宋祁輩
修唐史至今學者傳誦臣又按劉子元爲祕書
少監時宰相蕭至忠領監修子元病意尙不一

因爲至忠言五不可有曰國之圖史皆出一家
未聞藉功于眾今史司取士溢多人自爲苟袁
家自爲政駿每記一事載一言閑筆相視含毫
不斷頭白可期汗青無日一不可也竊見人之
好尚自古不同唐之史臣已嘗病此臣所上年
表皆出臣愚見雖各有所依據亦虞有子元五
不可之說則眾志紛紜難得歸一如使得成愚
臣一家之學不惑於眾不勝幸甚臣不避斧鉞
再詣天庭陳進伏望聖慈詳憫特降睿旨降付
有司令諸儒倣班史撰著兩漢人表以補范史

不足并臣前所上年表庶傳不朽以資後學謹
錄奏聞伏候勅旨右廸功郎前權澧州司戶參
軍臣熊方上表

盧文弨手書序

乾隆四十七年

案此盧抱經手抄本格闈有抱經堂校定本六
字卷中有武林盧文弨寫本朱文方印武林盧
文弨手校朱文長印手書序後有范陽朱文方
印
印
印
印
印
印

班馬異同三十五卷

明刊本

宋倪思撰

楊士奇跋永樂壬寅

汪佃序

嘉靖丁酉

三國志六十五卷

宋衡州刊本

晉平陽侯相陳壽撰

宋史裴松之注

中書侍郎西鄉侯裴松之進表

元嘉六年

按卷後有右修職郎衡州錄事參軍蔡宙校正
兼監鑄版右迪功郎衡州州學教授陸俊民校
正兩行

吳志三十卷

宋咸平刊本

黃蕡圖舊藏

晉平陽侯相陳壽撰

宋刻本

中書門下牒吳志牒奉勅書契已來簡編咸備
每詳觀於淑慝實昭示於勸懲矧三國肇分一
時所紀史筆頗彰於遺直策書用著於不刊諒
載籍之前言助人文之至化年紀繩遠悞謬居
多爰命學徒俾其校正宜從摸印式廣頒行牒
至准勅故牒咸平六年十月二十九日牒左諫
議大夫參知政事工部侍郎參知政事兵部侍
郎同中書門下平章事門下侍郎同中書門下
平章事左僕射同中書門下平章事

咸平三年十月二十三日奉勅校定雕印校勘

官宣德郎守祕書省著作佐郎充祕閣校理臣
戚綸校勘官宣德郎守太常丞直集賢院騎都
尉臣宋皋校勘官朝散大夫行尚書駕部員外
郎崇文院檢討直祕閣上輕車都尉賜紫金魚
袋臣杜鎬校勘官朝奉大夫尚書都官郎中直
史館賜紫金魚袋臣劉蒙叟校勘官銀青光祿
大夫行太僕少卿直祕閣上柱國彭城縣開國
伯食邑八百戶臣錢惟演校勘官銀青光祿大
夫行光祿少卿直祕閣上柱國臣黃夷簡詳校
官宣德郎守祕書省著作佐郎充祕閣校理臣

城綸詳校官朝奉郎守祕書丞直史館騎都尉
臣劉錯詳校官中散大夫行尚書虞部員外郎
充史館檢討上柱國臣董元亨詳校官朝散大
夫行尚書駕部員外郎崇文院檢討直祕閣上
輕車都尉賜紫金魚袋臣杜鎬內侍高班內品
朝奉郎守內侍省內調者監祕閣圖書三館書
籍兼幹當國子監兵部官告院事武騎尉臣劉
崇超都太主管催促宮苑使同幹當皇城司提
舉內東崇政殿萬安宮等門提點鼓司登聞院
金紫光祿大夫檢校司徒使持節勝州刺史兼

御史大夫上柱國彭城郡開國公食邑二千五
五百戶臣劉承珪宣德郎守起居舍人知制誥
判史館事上騎都尉賜紫金魚袋臣李宗諤翰
林侍讀學士朝奉大夫守尚書戶部侍郎兼祕
書監權主判吏部流內銓柱國護郡開國侯食
邑一千戶食實封貳伯戶賜紫金魚袋夏侯嶠
黃氏手跋曰嘉慶癸亥九月七日友人招飲旗
亭至晚始歸大兒玉堂以書友所攜書二種首
冊呈覽曰此山塘萃古齋之夥送來者余閱之
一爲吳志一爲史記皆宋鑄本而吳志尤勝於

史記始猶惜吳志爲國志之一究是未全之書及閱其目錄牒文自一卷至十分爲上秩十一卷至二十卷分爲下秩并載中書門下牒一通乃知此書非不全者因檢毛汲古錢述古兩家書目皆載有吳志二十卷本益信其爲專刻本矣特毛錢未言專刻而外間又少流傳故世人不知耳余獲讀此未見書何其幸耶明日適訪友城西出金闕門至海甯陳君仲魚寓中出此相賞并告以欲往山塘書肆買書故遂借仲魚舟並邀仲魚同往仲魚亦欣然相與登舟抵其

船見有一小榜榜曰津逮舫余謂仲魚曰君好書故所乘舟以是名之今遇借此訪書則所取之名若豫知今余有是事而名之也我兩人不覺掀髯而笑是日余又欲往訪周丈香嚴仲魚亦素慕香嚴名而未識面爰迤而西至水月亭晤香嚴香嚴識古書爲吾儕巨擘亦舉以示之香嚴曰史記尙多未足奇若吳志真奇書向第見藏書家書目載其名猶疑爲國志中僅留此一種今日見之并細審目錄牒文共爲專刻無疑未見書之必歸于讀未見書者何巧乃爾胡

與談笑而別自是進蔣家橋從治坊濱直到虎
邱與書友言定價直益以建文時刻木元音其
四十五番約日送全書來而余與仲魚各分路
歸夕陽在山不復陟海湧峯矣余思虎邱爲吾
吳勝地愛山水者游不倦焉猶憶白隄錢聽默
開萃古齋此老素稱識古所見書多異本故數
年前常一再訪之今老且死矣書肆又不在山
塘余足跡亦弗之及乃其子因舊業未可廢此
地又無他書肆於春間始設此小攤主人旣未
識書火伴亦屬盲目而異書之得仍由萃古齋

來余故特著之以紀其事至于仲魚香嚴賞奇
析疑本爲朋友樂事其中委婉曲折皆足助我
生色故不憚言之覩縷也蕘翁黃丕烈記

顧氏手跋曰癸亥除夕蕘翁祭書於百宋一屋
時已二鼓以書招余與鳬香往觀且曰今歲所
得書以此爲第一故列史部之首予旣爲題籤
并記數語於卷末顧菟

陳氏手跋曰去冬偕蕘翁泛舟虎邱訪購是書
自謂追隨樂事今春過士禮居蕘翁出示則裝
演已就適徐君嫗雲亦在坐相與展玩并讀跋

語歎賞不置甲子三月陳鮑記

按此宋咸平刊本每頁二十八行每行二十三字三國志表後卽按吳書云云是當時專刻本卽百宋一壓賦中所謂孤行吳志數冊仍六者也

晉書一百三十卷

宋刊本

唐太宗文皇帝御撰

修晉書詔

案每頁二十行每行二十字宋諱匡桓桓慎構皆缺避孝宗時刊也

晉書音義三卷

宋刊本

唐何超撰

自序

楊齊宣序

按每葉二十行每行二十字與晉書同

宋書一百卷

宋刊元修本任洛舊藏

梁沈約新撰

按每葉十八行每行十八字

南齊書五十九卷

宋刊明修本

梁臣蕭子顯撰

臣徇臣寶臣穆臣藻臣洙臣覺臣彥若臣翬上

南齊書敍

按每葉十八行每行十八字

梁書五十卷

宋刊明修本

圓散騎常侍姚思廉撰

臣翬等上梁書敍

按每葉十八行每行十八字

陳書三十六卷

宋刊宋印本 文衡山舊藏

圓散騎常侍姚思廉撰

臣恂臣穆臣藻臣覺臣彥若臣洙臣翬上陳書

敘

案每葉十八行每行十八字全書無修版版心
有字數及刻工姓名

魏書一百十四卷宋刊明修本

北齊魏收撰

臣敬臣恕臣燾臣祖禹上魏書敘

按每葉十八行每行十八字

北齊書五十卷

宋刊明修本

汪氏傳書樓舊藏

隋太子進事舍人李百藥撰

後周書五十卷

宋刊明修本

周令狐德棻等撰

臣蘇臣安國臣希上周書敘

隋書八十五卷

宋刊配元覆本

唐特進臣魏徵上志大尉楊州都督監修國史
上柱國趙國公臣長孫無忌等奉敕撰

天聖二年五月十一日上御藥供奉藍元用奉

傳聖旨齋禁中隋書一部付崇文院至六月五

日敕差官校勘時命臣綏臣煜提點右正言直
史館張觀等校勘觀尋爲度支

判官續命代之仍內出版式刊造

按每葉二十行每行十九字左線外有篇名敬

慎貞恒桓構皆缺避南宋時官刊本也

隋書八十五卷

元瑞州路學刊本

勅特進臣魏徵上
志之十卷題太尉楊州都督
監修國史上柱國趙國公臣長孫無忌等奉敕
撰

天聖二年勅

無名氏志跋

按每葉二十行每行二十二字從天聖本出儀

顧堂二集有跋

皕宋樓藏書志卷十九

存齋雜纂之六

歸安陸心源剛甫編

史部

正史類二

南史八十卷

元刊本

唐李延壽撰

案大德丙午建康道牒諸路刊史兩漢則太平
路三國志則池州路隋書則瑞州路北史則信
州路唐書則平江路或于版心刊明或于卷首
刊明或于卷末刊明此書與信州路所刊北史

一例當爲同時所刊旣無版心之字又無序跋
刊版銜名未能定爲何路耳

北史一百卷

元信州路學刊本

唐李延壽撰

按每卷後有方洽周益劉粹然等校正各字版
心有信州路學刊信州學刊等字每葉二十行
行二十二字

北史殘本八十一卷

宋刊本

按存卷二卷六至卷十八卷二十至卷二十九

卷三十一至卷八十卷九十三至卷九十八卷

一百每葉二十行每行十八字匡恒貞桓構慎
徵樹敦廓皆缺筆宋甯宗時刊本也字畫清朗
紙質瑩潔宋版宋印之精者惜缺二十卷耳

唐書二百卷

明嘉靖間人錄刊本

晉監修國史推誠守節保運功臣符進守司空
兼門下侍郎同中書門下平章事上柱國熊國
公食邑五千戶食實封四百戶臣劉煦等奉勅

修

借書助資校對姓名

聞人銓序

嘉靖戊戌
舊藏

楊循吉序

嘉靖十七年
舊藏

文徵明序

嘉靖己亥
舊藏

唐書二百五十卷

北宋杭州刊本
舊藏

宋李安詩克齋

宋推忠佐理功臣正奉大夫尚書禮部侍郎參

知政事柱國廬陵郡開國公食邑二千一百戶

食實封貳百戶賜紫金魚袋臣曾公亮奉勅提

舉編修翰林學士兼龍圖閣學士朝散大夫給

事中知制誥充史館修撰臣歐陽修奉勅撰端

明殿學士兼翰林侍讀學士朝請大夫守尚書

吏部侍郎充集賢殿修撰宋祁奉勅撰

曾公亮上進書表

嘉祐五年六月

日

按卷末有唐書凡二百二十六篇摠二百五十五
卷十三志五十篇五十六卷三表十五篇二十二
卷列傳一百五十篇一百六十卷錄二卷等字凡五行

李氏手跋曰景定甲子夏五下七點抹終卷會
稽李安詩識于克齋

又曰咸淳丁卯四月戊寅據點終抹但其間或
有一二字誤無佳本對證不敢輒下雌黃姑俟

善本當更是正會稽李安詩謹識是日陰雨書
于六友堂

無名氏跋曰此書逮今一百四十餘年來自杭
之桂翁桂翁年逾八袞見鬻於予余以囊橐暫
乏託之友人宋節貢來旬日始償價書以示吾
子孫當謹保之母忽時大明永樂八年歲次庚
寅夏五月望日錢唐下缺

又曰此宋板唐書爲錢唐李氏藏本予愛其字
畫無訛標抹詳好珍收有年第中多殘缺茲以
燕閒抄錄裝繕俾成完璧書示子孫使知先賢

之嗜學與予之心尙其寶護無斁云時萬曆癸巳重九充菴居士識

案每葉二十八行每行二十五字版心有刻工姓名朗匡徹昊恒桓鏡竟敬貞皆避缺宋仁宗時刊本也每卷有李安詩伯之克齋藏書朱文方印滄葦二字季振宜印四字朱文兩印季振宜藏書五字朱文長印克齋每卷有跋今錄其尤者

唐書二百五十五卷

宋刊中字本

宋推忠佐理功臣正奉大夫尚書禮部侍郎參

知政事杜國廬陵郡開國公食邑二千一百戶
食實封二百戶賜紫金魚袋臣曾公亮奉勅提
舉編修翰林學士兼龍圖閣朝散大夫給事中
知制誥充史館修撰判祕閣臣歐陽修奉勅撰
列傳 端明殿學士兼翰林院侍讀學士龍圖閣
學士朝請大夫守尚書吏部侍郎充集賢殿修
撰臣宋祁奉勅撰

進表

按每葉二十行每行十九字版心有刻工姓名
及字數大題在下匡亂殷敬昊恒貞頊桓構皆

缺避蓋南宋官刊本各家所藏多元修之版此
本葉葉皆原刻無一修補之頁

五代史記七十五卷

明汪文盛刊本

宋歐陽修撰徐無黨注

陳師筠序

宋史四百九十六卷

元刊元印本

元開府儀同三司上柱國錄軍國重事前中書
右丞相監修國史領經筵事都總裁臣脫脫等
奉勅修

進宋史表

開府儀同三司上柱國錄軍國重事中書右丞
相監修國史領經筵事提調宣政院太醫院廣
惠司事臣阿魯圖等言竊惟周公念先業之艱
難七月之詩是作孔子論前王之文獻二代之
禮可言故觀趙氏隆替之由足見皇元混一之
績欽惟世祖聖德神功文武皇帝初由宗邸親
總大軍龍旂出指於離方羽葆歸登於乾御櫛
風沐雨詎辭跋履之勞略地攻城咸遵稟授之
算揚舲而平江漢卷甲而克襄樊襲行弔伐之
師昭受寵綏之寄及夫收圖書於勝國輯黼闈

於三京拔宋臣而列政塗載宋史而歸祕府然後告成郊廟錫慶臣民推大賚以惟均示一統之無外樞庭偃武旣編戡定之勳翰苑摛文尋奉纂修之旨事機有待歲月易遷累朝每切於繼承多務未遑於制作臣阿魯圖等誠惶誠懼頓首頓首欽惟皇帝陛下恢宏至道紹述不謨往行前言樂討論于古訓祀功德思揚厲于耿光惟我朝大啟基圖彼吳會後歸版籍視金源其未遠納石室以具存及茲累洽之時成此彌文之典命臣阿魯圖左丞相臣別兒怯不花

領史事前右丞相臣脫脫爲都總裁平章政事
臣帖睦爾達世御史大夫臣惟一翰林學士承
旨臣起嚴臣玄治書侍御史臣好文禮部尚書
臣沂崇文太監臣宗瑞爲總裁官平章政事臣
納麟臣伯顏前中書右丞臣達世貼睦邇左丞
臣守簡參議臣岳柱臣拜住臣陳思謙郎中臣
幹樂臣孔思立等協恭董治史官工部侍郎臣
幹玉倫徒祕書卿臣泰不華太常僉院臣杜秉
彝翰林直學士臣宋致國子司業臣王思誠臣
汪澤民集賢待制臣干文傳翰林待制臣張珪

臣貢師道宣文閣鑒書博士臣麥文貴監察御
史臣余闢太常博士臣李齊翰林修撰臣劉聞
太醫院都事臣賈魯國子助教臣馮福可太廟
署令臣陳祖仁西臺御史臣趙中翰林應奉臣
王儀臣余貞祕書著作佐郎臣譚述翰林編修
臣張翥國子助教臣吳當經筵檢討臣危素編
劇分局彙粹爲書起自東都迄于南渡紀載餘
三百載始終纏一再芬考夫建隆淳化之經營
景定咸平之潤色慶歷皇祐以忠厚美風化元
豐熙甯以聰明柔憲章馴致紹聖紛紜崇甯荒

亂治忽昭陳於方冊操存實本於宮庭若乃建
光紹興之圖回乾道淳熙之保乂正直用則人
存政舉邪佞進則臣辱主憂光甯之朝僅守宗
社理度之世日蹙封疆顧乃拘信使以渝盟納
叛臣而侵境由姦權之擅命啟事釁以召兵厥
後瀛國歸朝吉王航海齊亡而訥王蠋乃存秉
節之臣楚滅而諭魯公堪矜守禮之國載惟眞
元之會合屬當泰道之熙明眾言殷亂於當時
大誼昭宣於今日矧先儒性命之說資聖代表
章之功先理致而後文辭崇道德而黜功利書

法以之而矜式彝倫賴是而匡扶雖微董狐直
筆之可稱庶逃司馬寫識而輕信至若論其有
弊亦惟斷以至公大槩聲容盛而武備衰諭建
多而成效少且辭之煩簡以事而文之今古以
時舊史之傳述既多雜記之蒐羅又廣於是參
是非而去取權豐約以損增事嚴敢計於疾徐
日積亦處於玩愒臣阿魯圖等參司當揆實預
提綱周詢在局之言靡不究心乃職第述作之
才有限而報效之志無窮儻垂清燕之觀尙助
緝熙之益曰若帝堯曰若帝舜惟聖心稽古之

功監于有夏監于有殷乃臣子告君之道謹撰
述本紀四十七卷志一百六十二卷表三十二
卷列傳世家二百五十五卷裝潢四百九十二
帙隨表座獻以聞下情無任慙懼戰汗屏營之
至臣阿魯圖等誠惶誠懼頓首頓首謹言至正
五年十月二十一日開府儀同三司上柱國錄
軍國重事中書右丞相監修國史領經筵事提
調宣政院太醫院廣惠司事臣阿魯圖等上表
修史官員

領三史開府儀同三司上柱國錄軍國重事中

書右丞相監修國史領經筵事提調宣政院太
醫院廣惠司事臣阿魯圖開府儀同三司上柱
國錄軍國重事中書左丞相領經筵事提調甯
微寺事臣別兒怯不花都總裁開府儀同三司
上柱國錄軍國重事前中書右丞相監修國史
領經筵事都總裁臣脫脫總裁銀青榮祿大夫
中書平章政事知經筵事臣帖睦爾達世銀青
榮祿大夫御史大夫知經筵事臣賀惟一翰林
學士承旨榮祿大夫知制誥兼修國史臣張起
巖翰林學士承旨榮祿大夫知制誥兼修國史

臣歐陽玄嘉議大夫治書侍御史臣李好文中
大夫禮部尚書臣王沂正議大夫崇文太監檢
校書籍事臣楊宗瑞史官嘉議大夫工部侍郎
臣幹玉倫徒太中大夫祕書卿臣泰不華通議
大夫僉太常禮儀院事臣杜秉彝翰林直學士
亞中大夫知制誥同修國史兼經筵事臣宋槃
朝請大夫國子司業臣王思誠集賢待制朝請
大夫臣干文傳朝列大夫國子司業臣汪澤民
翰林待制奉議大夫兼國史院編修官臣張瑾
宣文閣鑒書博士奉訓大夫臣麥文貴翰林侍

制文訓大夫兼國史院編修官臣貢師道奉訓
大夫太常博士臣李齊承德郎監察御史臣余
闕翰林修撰儒林郎同知制誥兼國史院編修
官臣劉聞承務郎太醫院都事臣賈魯承直郎
國子助教臣馮福可儒林郎陝西諸道行御史
臺監察御史臣趙中承德郎太廟署令臣陳祖
仁應奉翰林文字文林郎同知制誥兼國史院
編修官臣王儀應奉翰林文字文林郎同知制
誥兼國史院編修官臣余貞登仕郎祕書監著
作佐郎臣譚愬翰林國史院編修官臣張翥國

子助教臣吳當經筵檢討臣危素提調官光祿

大夫中書平章政事臣納麟榮祿大夫中書平

章政事知經筵事

原缺

翰林學士承旨光祿大夫

知制誥兼修國史知經筵事前中書右丞相臣

達世貼睦資德大夫中書左丞臣董守簡資

德大夫參議中書省事臣岳柱朝請大夫參議

中書省事臣拜住奉議大夫參議中書省事臣

陳思謙通議大夫兵部尚書臣李獻通議大夫

工部尚書臣路希賢太中大夫吏部尚書臣何

執禮朝列大夫戶部尚書臣賽因不花嘉議大

夫中書左司郎中臣幹樂亞中大夫中書左司
郎中臣孔思立承德郎刑部侍郎臣全普俺
里朝列大夫中書右司員外郎臣不顏不花左
司員外郎臣寶禮門奉議大夫中書左司員外
郎臣白濬奉直大夫禮部郎中臣遂魯曾奉訓
大夫中書右司都事臣野仙朝請大夫中書右
司都事臣鄭衍奉政大夫中書左司都事臣畢
璋中議大夫中書左司都事臣陳仲端奉直大
夫中書左司都事臣許從宣

皇帝聖旨裏中書省據遼金宋三史總裁官早

照得近奉都堂鈞旨委自提調繕寫宋史刻板
正本今已畢功理合比依遼金二史從都省聞
奏定奪指定行省去處刊刻印造傳之方來竊
照元修史官翰林編修張翥國子助教吳當二
人深知宋書事理如蒙差委費書前往所指去
處監臨刊刻至於鋟梓之際倘或工匠筆畫差
訛就便正是以爲便宜具呈照詳得此都省除
已差史官翰林應奉張翥馳驛賚宋史淨藁前
去委自本省文資正官首領官儒學提舉各一
員不妨本職提調與差去官精選高手人匠就

用資去淨藁依式鏤板不致差訛所用工物本
省貢士莊錢內應付如果不敷不拘是何錢內
放支年終照算仍禁約合屬毋得因而一槩動
擾違錯工畢用上色高紙印造一百部裝潢完
備差官赴都解納外合行移咨請照驗依上施
行先具依准咨來須至咨者右咨浙江等處行
中書省至正六年 月 日

行省提調官

光祿大夫江浙等處行中書省平章政事臣達
世貼睦通江浙等處行中書省平章政事臣忽

都不花資善大夫江浙等處行中書省左丞臣
韓渙江浙等處行中書省參知政事臣撤馬篤
江浙等處行中書省參知政事臣楊惟恭朝列
大夫江浙等處行中書省左右司郎中臣烏刺
沙奉直大夫江浙等處行中書省左右司郎中
臣崔敬奉訓大夫江浙等處行中書省左右司
員外郎臣赫德余奉政大夫江浙等處行中書
省左右司員外郎臣鄭璠承德郎江浙等處行
中書省左右司都事臣徐槃承務郎江浙等處
行中書省左右司都事臣馬黑麻承務郎江浙

等處行中省左右司都事臣李琰掾史臣
許恒敬宣使臣堵簡

杭州路提調官

中議大夫杭州路總管兼管內勸農事知渠堰
事臣趙璉儒司提調官承務郎江浙等處儒學
副提舉臣李祁監督儒官溫州路永嘉書院山
長臣錢惟演嘉興路儒學正臣應才杭州路仁
和縣儒學敎諭臣劉元杭州路儒學訓導臣黃

常臣姚安道

案此元杭州路刊本每葉二十行每行二十字

大題在下版心小黑口魚尾上左宋史二小字
右字數魚尾下左寫人姓名右刻工姓名孝宗
紀一葉不缺

宋史四百九十六卷

明成化刊本

元開府儀同三司上柱國錄軍國重事中書右
丞相監修國史領經筵事都總裁臣脫脫奉勅
修

進史表

中書省咨文

修史官銜名

行省提調官銜名

杭州路提調官銜名

朱英序

成化十六年

遼史一百十六卷

元刊本

元開府儀同三司上柱國錄軍國重事中書右丞相監修國史領經筵事都總裁臣脫脫奉勅修

詔旨至正三年三月十四日篤憐帖木兒怯薛第三日咸甯殿裏有時分速古兒赤江家奴云都赤蠻子殿中俺都刺哈蠻給事中字羅帖木

兒等有來脫脫右丞相也先帖木兒平章鐵陸爾達世平章太平右丞長仙參議李里不花郎中老老員外郎學里不花都事等奏遼金宋三國史書不曾纂修來歷代行來的事跡合纂修成書有俺商量來如今選人將這三國行來的事跡交纂修成史不交遲滯但凡合舉行事理俺定擬了呵怎生奏呵奉聖旨那般者三月二十八日別兒怯不花怯薛弟二日咸甯殿裏有時分速古兒赤不顏帖木兒云都赤蠻子殿中俺都刺哈蠻給事字羅帖木兒等有來脫脫右丞

相也先帖木兒平章鉄睦爾達世平章太平右
丞吳參政買木丁參議長仙參議韓參議別里
不花郎中王郎中老老員外郎孔員外郎觀音
奴都事李里不花都事杜都事直省舍人倉赤
也先蒙古必闖赤鎖住都馬等奏昨前遼金宋
三國行來的事跡選人交纂修成史書者麼這
奏了來這三國爲聖朝所取制度典章治亂興
亡之由恐因久散失合遴選文臣分史置局纂
修成書以見祖宗盛德得天下遼金宋三國之
由垂鑑後世做一代盛典交翰林國史院分局

纂修職專其事集賢祕書崇文并內外諸衙門
裏著文學博雅才德秀潔堪充的人每斟酌區
用纂修其間予奪議論不無公私偏正必須交
總裁官質正是非裁決可否遴選位望老成長
於史才爲眾所推服的人交做總裁官這三國
寔錄野史傳記碑文行寔多散在四方交行省
及各處正官提調多方購求許諸人呈獻量給
價直咨達省部送付史館以備采擇合用紙札
筆墨一切供需物色於江西湖廣江浙河南各省
所轄各學院并貢士莊錢糧除祭祀廩膳科舉

修理存留外都交起解將來以備史館用度如今省裏脫脫右丞相監修國史做都總裁交鐵
睦爾達世平章太平右丞張中丞歐學士呂侍
御掲學士做總裁官提調官省裏交也先帖木
兒平章吳參政樞密院裏塔失帖木兒同知姚
副樞臺裏狗兒侍御張治書買木丁參議長仙
參議韓參議右司王郎中左司王郎中老老員
外郎孔員外郎觀音奴都事杜都事六部各委
正官并首領官提調其餘修定的凡例合行事
理交總裁官

進遼史表曰開府儀同三司上柱國錄軍國重
事中書右丞相監修國史領經筵事臣脫脫言
竊惟天文莫驗於璣衡人文莫證於簡策人主
監天象之休咎則必察乎璣衡之精監人事之
得失則必考乎簡策之信是以二者所掌俱有
太史之稱然天道幽而難知人情顯而易見動
靜者吉凶之兆敬怠者興亡之機史臣雖述前
代之設施大意有助人君之鑑戒遼自唐季基
朔方造邦本席於干戈致治能資於黼黻敬天
尊祖而出入必祭親仁善鄰而和戰以宜南府

治民北府治兵春狩省耕秋狩省斂吏課每嚴
於芻牧歲飢屢賜乎田租至若觀市赦罪則脗
合六典之規臨軒策士則恪遵三歲之制享國
二百一十九載政刑日舉品式備具蓋有足尙
者焉迨夫子孫失御上下離心驕盈盛而釁隙
生讒賊興而根本蹙變強爲弱易於反掌吁可
畏哉天祚自絕大石苟延國旣丘墟史亦蕪茀
耶律鑑語多避忌陳大任解乏精詳五代史鑑
之終篇宋舊史將諸載記予奪各徇其主傳固
況失其眞我世祖皇帝一視同仁深加愍惻嘗

勅詞臣撰次三史首及於遼六十餘年歲月因循造物有待臣脫脫誠惶誠恐頓首頓首欽惟皇帝陛下如堯稽古而簡寬容眾若舜好問而濬哲冠倫講經兼誦乎祖謨訪治旁求乎往牒茲修史事斷自宸衷睿旨下而徵聘行朝士賀而遺逸起於是命臣脫脫以中書右丞相領都總裁中書平章政事臣鐵睦爾達世中書右丞今平章政事臣賀惟一御史中丞今翰林學士承旨臣張起巖翰林學士臣歐陽玄侍御史今集賢侍講學士兼國子祭酒臣呂思誠翰林侍

講學士臣揭侯斯奉命爲總裁官中書遴選儒
臣宗文太監今兵部尙書臣廉惠山海牙翰林
直學士臣王沂祕書著作佐郎臣徐昺國史院
編修官臣陳繹曾分撰遼史起至正三年四月
迄四年三月發故府之積藏集遐方之匯獻蒐
羅剔抉刪潤研刪紀志表傳備成一代之書臧
否是非不迷千載之寔臣脫脫叨承隆寄幸覩
成功載宣日月之光華願效涓埃之補報我朝
之論議歸正氣之直則辭之昌遼國之君臣有
知善者喜而惡者懼所撰本紀三十卷志三十

一卷表八卷列傳四十六卷各著論贊具存體
裁隨表以聞上塵天覽下情無任慚懼戰汗屏
營之至臣脫脫誠惶試懼頓首頓首謹言至正
四年三月 日開府儀同三司上柱國錄軍國
重事中書右丞相監修國史領經筵事臣脫脫
上表

修史官員

都總裁開府儀同三司上柱國錄軍國重事中
書右丞相監修國史領經筵事臣脫脫總裁官
光祿大夫中書平章政事知經筵事提調都水

監臣睦爾達世榮祿大夫中書平章事知經筵
事臣賀惟一翰林學士承旨榮祿大夫知制誥
兼修國史臣張起岩翰林學士資善大夫知制
誥同修國史臣歐陽玄集賢侍講學士通奉大
夫兼國子祭酒臣呂思誠翰林侍講學士中奉
大夫知制誥同修國史同知經筵事臣揭傒斯
纂修官正議大夫兵部尚書臣廉惠山海牙翰
林直學士朝請大夫知制誥同修國史兼經筵
官臣王沂文林郎祕書監著作佐郎臣徐昺將
仕佐郎翰林國史院編修官臣陳繹曾提調官

資德大夫中書右丞臣伯彥榮祿大夫中書左
丞臣姚庸奉議大夫參議中書省事臣長仙通
議大夫參議中書省事臣呂彬朝散大夫中書
右司郎中臣悟貞哈台嘉議大夫中書左司郎
中臣趙守禮亞中大夫中書左司員外郎臣契
哲篤亞中大夫中書省左司員外郎臣何執禮
儒林郎右司都事臣觀音奴奉議大夫左司都
事臣烏古孫良楨嘉議大夫禮部尚書臣王守
誠中憲大夫工部尚書臣丁元奉議大夫禮部
侍郎臣老老嘉議大夫禮部侍郎臣杜秉彝

遼史一百十六卷

元人抄本

張月齋舊藏

元開府儀同三司上柱國錄軍國重事中書右丞相監修國史領經筵事都總裁臣脫脫奉勅修

詔旨

進遼史表

修史官員銜名

三史凡例

案是書卽張月齋藏書所收卷中有竹東草堂書畫記朱文長印勅褒忠勤世家朱文方印文

水道人朱文方印

元史二百十卷

明洪武刊本

明翰林學士亞中大夫知制誥兼修國史臣宋濂翰林待制承直郎兼國史院編修官臣王禕等奉勅修

進表

洪武二年

宋濂記

洪武二年

雨尖樓藏書志卷二十

歸安陸心源剛甫編

存齋雜纂之六

史部

編年類一

竹書紀年二卷

明刊本

梁沈約附注

漢紀三十卷

明正德刊本

漢荀悅著

自序

何景明序

正德十五年

呂柟序 正德辛巳

元經薛氏傳十卷

明抄本

抱經堂舊藏

隋王通撰唐薛收傳宋阮逸注

薛收序

盧氏手跋曰乾隆丁酉三月盧文弨用藍筆校

一過己亥三月重看

元經薛氏傳十卷

明刊本

張月霄舊藏

隋王通撰唐薛收傳宋阮逸注

薛收序

大唐創業起居注三卷

黃蕡圖校本

唐陝東道大行臺工部尚書上柱國樂平郡開國公恆溫大雅撰

黃氏手跋曰訛菴藏祕冊彙函本余借之與舊鈔本勘一過中有佳處訛菴屬校於上復翁

張氏手跋曰嘉慶乙亥孟春廿又九日借黃復翁二丈藏舊鈔本補寫闕葉重校一過又三十

餘字紹仁

通歷七卷續五卷

明人抄本

唐馬總撰續

五代孫光憲撰

郡齋讀書志曰通歷十卷右唐馬總撰總纂太

古十七氏中古五帝三王及割取秦漢三國晉
十六國宋齊梁陳元魏北齊後周隋世紀興滅
粗述其君賢否取虞世南畧論分系于末以見
義焉

又曰續通厯十卷右荊南孫光憲撰輯唐洎五
代事以續馬總通厯參以黃巢李茂貞劉守光
阿保機吳唐閩廣吳越兩蜀事迹太祖朝詔毀
其書以其所紀多非實也

直齋書錄解題曰通厯十五卷唐泉州別駕扶
風馬總會元撰書本十卷止于隋代今書直至

五代增五卷者後人所續也晁公武志續通歷
十卷孫光憲撰太祖朝嘗詔毀其書

中興館閣書目曰通歷十五卷唐馬總撰起天
皇氏總以史籍繁蕪故上索三墳中稽五典迄
于隋季爲十卷今存自十一卷起唐高祖者卽
孫光憲所續也光憲皇朝人作續通歷十卷起
唐高祖止閩王審知今附于通歷後者惟五卷
爾通歷一書大抵簡畧首紀三皇尤詭誕不經
與司馬貞補史記所言無異隨事間有論著謂
文帝庶幾於王道而景帝之擬成康則有慙德

謂宣帝刑名圖霸之主也而世以比光武非其
倫也斯言當矣

王海四十七

張氏金吾曰總撰通歷十卷孫光憲續十卷宋
時合爲一書直齋書錄解題著錄通歷十五卷
是也此本首三卷闕以新抄補入題史臣李謙
著斷非原書今撤出之卷四至末與郡齋讀書
志所列一一符合卷中公子曰先生曰云云者
當是虞永興畧論總按云云者則會元之說也
卷九引鄭文貞公魏徵論畧曰則卷中所載論
曰云云者蓋魏鄭公之說也續通歷好載符瑞

夢兆及鬼神怪異之事體近小說此宋祖所以
詔毀其書歟然所載五代事迹間有出新舊兩
史外者是亦足資參考

資治通鑑殘本二百二十四卷

北宋刊大字本
靜江路儒學舊藏

宋朝散大夫右諫議大夫權御史中丞充理檢

使上護軍賜紫金魚袋臣司馬光奉勅編集

按存卷六至卷十六卷十九卷二十一至卷三

十四卷三十八至卷五十四卷五十七至卷七

十卷七十二至卷一百一十一卷一百十三至卷

一百十七卷一百二十二至卷一百二十九卷

一百三十五至卷一百三十九卷一百四十一

至卷一百五十五卷一百五十七卷一百六十

一至卷一百八十六卷一百八十八至卷一百

九十卷一百九十四至卷二百三十卷二百三

十三至卷二百五十卷二百五十四卷二百五

十五卷二百六十至卷二百六十五卷二百七

十一每葉二十二行每行十九字版心有字數

及刻板銜名每卷首題銜惟列一朝之首卷餘

卷則無紀年下注干支二字間附音義于本文

案胡景參釋文辨誤載海陵本費本各條核此

本音義知卽爲蜀廣都費氏進修堂本世所謂龍爪本者也音義與史炤釋文微有異同卷中
有靜江路學係籍官書朱文長印顧仁效水東
館攷藏圖籍之印朱文長印第六卷前有朱文
木記曰關借官書常加愛護亦士大夫百行之
一也仍令司書明白口簿一月一點毋致久假
或損壞去失依理追償收匿者聞公議罰

資治通鑑殘本一百四十九卷

宋刊本

宋端明殿學士兼翰林侍讀學士大中大夫提
舉西京嵩山崇福宮北杜國河內郡開國公食

邑二千六百戶食實封一千戶賜紫金魚袋臣
司馬光奉勅編集

按此北宋刊本存卷十一至卷十五卷三十七
至卷四十二卷四十五卷四十六卷五十一卷
五十二卷七十三至卷七十九卷八十八卷八
十九卷九十二至卷一百一卷一百十至卷一
百十三卷一百十七至卷一百三十六卷一百
四十至卷一百四十三卷一百四十七至卷一
百五十一卷一百五十八至卷一百七十卷一
百七十三卷一百七十四卷一百八十八至卷

二百卷二百九至卷二百十六卷二百二十五

至二百二十八卷二百三十四至卷二百三十一

七卷二百四十四至卷二百五十五卷二百六十一

三卷二百六十四卷二百六十六至二百七十

一卷二百七十六卷二百七十七卷二百八十一

卷二百八十一卷二百八十四至卷二百九十一

三每葉二十二行每行二十一字貞恒皆缺避

資治通鑑二百九十四卷

元刊本

葉石君舊藏

宋朝散大夫右諫議大夫權御史中丞充理檢使上護軍賜紫金魚袋臣司馬光奉勅編集元

後學天台胡三省音注 卷一後有葉氏石君題識

胡三省新注資治通鑑序

司馬溫公進表

元祐元年紹興二年刊板銜名

資治通鑑考異三十卷

宋刊本

宋端明殿學士兼翰林侍讀學士太中大夫提舉西京嵩山崇福宮上柱國河內郡開國公食邑二千六百戶食實封一千戶臣司馬光奉勅

編集

按每葉二十行每行二十字版心有刻工姓名及字數朗匡亂敬貞恒皆缺避桓字不避北宋時刊本也

資治通鑑考異三十卷

明嘉靖刊本

宋 端明殿學士兼翰林侍讀學士太中大夫提舉西京嵩山崇福宮上柱國河內郡開國公食邑二千六百戶食實封一千戶臣司馬光奉勅編集

資治通鑑考異三十卷

明萬曆刊本

宋 端明殿學士兼翰林侍讀學士太中大夫提

舉西京嵩山崇福宮上柱國河內郡開國公食
邑二千六百戶食實封一千戶臣司馬光奉勅
編集

通鑑釋例一卷抄本

宋司馬溫公撰曾孫伋重編

曾大父溫國文正公作書之例或因或倣皆有所據故自春秋以來用例之精確深隱皆考究爲最詳而得其當于此概見然前例遺稿中遭散亂所藏僅存脫落已甚故先後無敘或改注重複觀者病焉伋輒掇取而分類之爲三十六

例其間或書年而不書事如曰齊襄公之二年
或書事而不著年如曰節度使官自此始或書
諡書年而不實其數如曰桓年以大雩有兩秋
之類假皆不敢增益也至若或文雖全而其字
闕滅者假亦從而闕之或事欲詳見而旁附其
文者假則因其文而述之雖然苟能因此類而
參酌貫穿焉亦庶幾矣假抑嘗因此例而涉其
書考其離析稽其授受推其甲子括其卷帙列
爲四圖以便尋究求者授之以廣其傳庶與攷
異音釋並行於世萬一有助於觀覽云乾道丙

戊仲秋癸酉曾孫右朝散郎尙書吏部員外郎
賜緋魚袋領謹書

陸狀元集百家注資治通鑑詳節一百二十卷

宋刊本

宋會稽陸唐老集注建安蔡文子校正

神宗御製資治通鑑序

獎諭詔書

溫公進表

溫公資治通鑑序

劉祿丞外紀序

溫公外紀序

通鑑釋文序

敘撰十七史姓氏

集注十七史姓氏

案此南宋麻沙本每葉二十八行每行二十三字小字雙行每行二十六字版心有字數小黑口朗殷匡貞恒桓慎構皆缺避卷一看通鑑法
卷二通鑑總例通鑑圖譜卷三至卷五通鑑舉要
卷六至十二通鑑君臣事實分紀卷十五
十六通鑑外紀卷十七至一百二十通鑑是書

四庫不收附存其目

通鑑釋文三十卷 宋刊本

宋右宣議郎監成都府糧料院史炤撰

馮時行序

張氏金吾曰通鑑體大文繁名物訓詁浩博奧衍有非淺學可通者史氏取爾雅說文及諸經傳注古今小學之書詳爲音注積十年而書成用力亦云勤矣惟採摭既廣齟齬亦多胡身之特作辨誤以刊正之自辨誤行而此書遂微然地理之學史不及胡音訓之學胡不及史其書亦有不可沒者

直齋書錄解題曰通鑑釋文三十卷左宣議郎眉山史炤見可撰馮時行爲之序今考之公休之書大畧同而加詳焉蓋因其舊而附益之者也

按每葉二十四行每行三十字小字雙行卽百宋一屢賦中所謂見可釋鑑音訓是優被抑身之耽與闡幽行明字繕終卷無修者也已刊入

十萬卷樓叢書

通鑑地理通釋十四卷

元刊本

元浚儀王應麟伯厚甫撰

太極肇分天先成而地後定天依形地附氣地
圓于天者也而言地理者難於言天何其爲難
也日月星辰之度終古而不易郡國山川之名
屢變而無窮是故圖以經之書以緯之仰觀俯
察其用一也虞書九其先儒以九丘其篇帙焉
傳于今者禹貢職方而止耳若山海經周書王
會爾雅之釋地管氏之地員呂覽之有始鴻烈
之墜形亦好古愛奇者所不廢然諸儒之注
異歷代之區寓殊禹之九河班志僅得其三商
之入遷孔疏未聞其四漢水東西之分積石大

小之辨荆山之於荆豫梁岐之於冀雍潛在荆
者未見蔡在坼內者未詳三江九江五邦三毫
則書之說異焉還之爲營禰之爲坭以著爲齊
地以韓城爲涿郡自土之爲自杜倭遲之爲郁
夷驕虞之爲梁鄒二南之爲南郡南陽則詩之
說異焉楊紓在冀而爾雅以爲秦盧水在濟北
而康成讀爲雷漳水之爲潞吳山之爲嶽五湖
混於具區潁湛列於荆漫此職方之疑也豫章
在江南而江北之地未知中牟在河南而河北
之地難攷許田魯地而非近許鄖鄭邑而非鄖

陵穀小穀之有別父城城父之不同此春秋之
疑也二地而一名者若王城葵丘酒泉貝丘鍾
離之類一地而二名者若白羽夾谷夷垂葭發
陽之類方城細柳丹水之有三塗山歷山東陽
武城之有四瞻彼洛矣與東都之洛異導洛自
熊耳與宜陽之熊耳殊首陽空桐新城石門石
城丹陽白沙硠石之屬其地非一畢萬之魏爲
河中之禾樂而以元城爲大名失矣自廬振廩
爲襄陽之中廬而以合肥爲廬國失矣潘岳賦
西征不知成師之曲沃在河東韓皋論廣陵故

不知魏之揚州治壽春韓文公南陽人在河內
之修武而誤曰鄧州史記鄭開在漢中之長利
而誤曰洵陽杜子美詩三奇戍在彭州之遵江
而誤改曰三城荀卿蘭陵非常州也孔明渡瀘
非瀘州也公琰屯涪非涪州也公瑾赤壁非黃
也元規南樓非鄂也郢都白雲誤於郢州東海
二疎誤於海州以塗山爲會稽以齧桑爲采桑
以大別爲安豐以東陵爲廬江以楚丘爲成武
以街亭爲南鄭襄訛踵繆不可殞紀漢汚一也
而或二之吳會二也而或一之江統誤鄭於沛

郡皇甫謐誤商丘於濮陽顏師古誤印都於印
州青衣於嘉州南陵於宣州注文選不知夷庚
注本草不知沙苑博見彊志者猶失之舊蹟湮
沒如濟絕于榮碣石淪于海昆明鑿而鎬京爲
池隋城立而漢都爲苑南北僕置如青有太原
豫有廣陵六合之爲秦郡項城之爲秣陵五門
之爲會稽尋陽在斯而移柴桑當塗在濠而寓
姑孰郡名非古如雲之雲中平之北平薊之漁
陽縣名非古如京兆之武功豐州之九原皆非
秦漢之舊或若異而同或似是而非不可謂博

識爲玩物而不之攷也余聞居觀通鑑將箋釋
其地名舉綱提要首以州域次以都邑推表山
川參以樂毅王朴之崇論徵議稽左氏國語史
記戰國策通典所敍厯代形勢以爲興替成敗
之鑒大易設險守國春秋書下陽彭城虎牢之
義也河湟復而唐衰燕代割而遼熾述其事終
焉若昔對白題羊腸帝丘內黃問松亭柳河者
以該洽見稱今豈無其人乎孤陋寡聞未免缺
誤以俟博雅君子山河不改陵谷更遷亦以發
覽古之一慨云上章執徐歲橘壯之月子玉子

通鑑釋文通釋後

通鑑釋文辨誤十二卷元刊本

元天台胡三省身之撰

自序

司馬溫公經進稽古錄二十卷

明宏治刊本

宋正議大夫守尚書左僕射兼門下侍郎上柱
國河南郡開國公食邑四千一百戶食實封一
千五百戶臣司馬光上進

進表

楊璋序

弘治辛酉

黃珣序
弘治辛酉

通鑑外紀注補十卷

稿本

宋京兆劉恕編集
國朝兵部侍郎兼都察院
右副都御史巡撫安徽等處地方提督軍務兼
理糧餉都賜胡克家注補

皇王大紀八十卷

明刊本

宋胡宏撰

天道保合而太極立氣氣升降而二氣分天成
位乎 地成位乎下而人生於其中故人也者
父乾母坤保茲天命生生不窮者也天始萬物

日月星辰施其性地生萬物水火金木運其氣人主萬物仁義禮智行其道君長陪貳由道以紀綱人生而理其性然後庶績熙萬物遂地平天成而人道立三皇五帝三王五伯者人之英傑爲君爲長率其階貳應時成物如春之生夏之長秋之利冬之貞也自堯而上六閼逢無紀堯之初載甲辰迄於殷王乙巳二千三十年天運之盛衰一周人事之治亂備矣萬世不能易其道者也後人欲稽養生理性之法則舍皇帝王伯之事何適哉嗚呼聖人作書契之記事

之情明心之用自皇帝墳典至於孔子春秋法度文章盈天下七雄諸侯棄禮縱欲竊去害己之籍逮秦呂政窮欲極凶遂公行焚禁孔子八世孫鮒雖以藏經爲已任然亡秦之暴烈於楹火藏之甚祕禁未解而鮒死漢興數葉然後出於孔子屋壁壞爛漫滅經是以僅存而不完若夫史傳則莫爲之主追記錄於雜識多闇之事或出於好事者之胸臆故有甚悖於理害於事者厯世老師宿儒或循習而不悟或存置而不察或偏倚而不該後生蒙苟不知取正於道大

道之爲百家裂也久矣我先人上稽天運下察人事述孔子承先聖之志作春秋傳爲大君開爲仁之方深切著明配天無極者也愚承先人之業輒不自量研精經典泛觀史傳致大荒於兩離齊萬古於一息根源開闢之微茫究竟亂亡之徵驗事有近似古先而寔恠謨鄙悖者則裁之削之事有近似後世而不害於道義者咸會而著之庶幾皇帝伯之事可以本始百世諸史乎諸家載紀所謂史也史之有經猶身之肢體有脉絡也易詩書春秋所謂經也經之有

史猶身之有脉絡肢體也肢體具脉絡存孰能
得其生平夫生之者仁也人仁則生矣生則天
地交泰乾坤正禮樂作而萬物俱生矣是故萬
物成於性者也萬事貫於理者也萬化者一體
之所變也萬世者一息之所累也若太極不立
則三才不備人情橫放事不貫物不成變化不
興而天命不幾於息乎愚是以將求友於天下
與之合堂同席而舍焉又與之接袂比肩而進
焉不得於今必得於後此皇王大紀之所以書
也有宋紹興重光作亟夏四月朔安定胡宏序

右五峰先生所著皇王大紀上自三皇下逮五
伯世代更禪事變糾紛而一理昭晰萬古洞貫
蓋以學古之胸形於載道之筆而又以發其經
世之志後之欲觀古盛帝明王所以位天地育
萬物與夫衰世亂亡孔子曰周監於二代郁
郁乎文哉是書該涉二千餘年其間聖作明述
所以位天地育萬物者燦然可觀雖迄乎五伯
功業而大經大法撥亂世反之正猶存於春秋
斯固禮樂之大備皇極之

刻漕治

久漫漶且世無別本其可使之無爲重刻之

噫天之未喪斯文也

咸淳甲

戊重九日後學天台董楷

陳邦瞻序

萬曆辛亥

中興小紀四十卷

文淵閣傳抄本

宋熊克撰

續資治通鑑長編節要一百八卷

宋刊抄補本

宋李燶撰

李燶進長編表

乾道四年

案建康景定志書籍門載通鑑長編有全本有
節本今影抄一百八卷本刪去節要二字與全

本混淆莫辨轉成疑竇以此書証之一百八卷者節本也一千六十三卷者全本也李氏初意蓋以節本配資治通鑑以長編配長編耳若非

宋本僅存安知一百八卷爲節本乎每葉二十一

六行每行二十二字版心有字數無刻工姓名

續資治通鑑長編一百八卷

影寫宋刊本

宋李盛撰

進表

乾道四年

續資治通鑑長編一百八卷

舊抄本

宋李盛撰

孫氏手跋曰續通鑑長編一百八卷分子卷爲
一百七十五卷宋李鼎撰乾道四年進本自建
隆迄治平當時繕寫在祕書省未鏤版傳播
甚少國朝康熙初徐相國乾學獲木于泰興
季氏具疏進卽此木也永樂大典宋字韻中
有編自熙甯迄元符事迹原無存今
四庫書別加釐析分爲五
元年進呈卽文獻通考所載一百六十八卷舉
要六十卷之本書錄解題稱逐卷又分子卷
或至十餘遂有一千六十三卷也此乾道進本

原編係舊抄帙宜與新定本並藏以質世之好

古者五松居士記

續宋編年資治通鑑十八卷

元刊本

宋朝散郎尚書禮部員外郎兼國史院編修官

李熹經進 目後有建安陳氏餘慶堂刊方木

印

進表

案是書元有兩刻一爲日新堂張氏一爲餘慶堂陳氏此則陳刊本也 四庫不收附存其目

其進表卽通鑑長編進表行款與下卷劉時舉

通鑑宋季三朝政要同

大事記十二卷通釋三卷解題十二卷

未刊本

宋東萊呂祖謙伯恭編

司馬子長年表大事記蓋古策書遺法獲麟以上旣見於春秋經周敬王三十九年以下今采左氏傳厯代史邵康節先生皇極經世司馬文正公稽古錄資治通鑑目錄舉要厯輯而廣之意所未安參稽百氏頗爲增損書法視太史公所錄不盡用策書凡例云起春秋後訖于五代分爲若干卷通釋若干卷解題若干卷合若干

卷淳熙七年正月一日東萊呂祖謙伯恭序

大事記史遷表漢事之目也以事繫年而列將相名臣於其下蓋不但存古策書之法而已特其體統未備猶有遺憾班固表公卿百官詳於拜罷而置大事弗錄失遷意遠甚太史先生是書名襲遷史體備編年包舉廣而興寄深雖不
幸絕筆於征和而書法可槩見其文則史其義則竊取之矣通釋是書之總也解題是書之傳也學攷通釋之綱玩解題之旨斯得先生次輯之意云嘉定壬申鋟木吳學謹識于後冬至前

二日學掾東陽李大有書

同校正鄉貢免解進士充府學直學鄭應奇

同校正鄉貢免解進士充府學直學李安詩

同校正國學內舍免解進士充府學錄郁雲

同校正迪功郎新婺州武義縣主簿充府學正

周浩然

